





五
七
六
後
後
也
六

詩宗已集卷十一

絕句 五言四百三十三首

擬錄別詩

失名氏

鳳凰鳴高岡有翼不能飛安知鳳凰德所貴來見稀

古詩

失名氏

採葵莫傷根傷根葵不生結交莫羞貧羞貧友不成
甘瓜抱苦蒂美棗生荆棘利傍有倚刀貪人還自賊

古詩

失名氏

石上生菖蒲一寸八九節仙人勸我餐令我好顏色

古樂府

失名氏

漢

蘭草自然香生於大道傍腰錄八九月俱在東薪中

古辭

失名氏

尺素如霜雪結成雙鯉魚要知心裏事看取腹中書

枯魚過河泣

失名氏

枯魚過河泣何時悔復及作書與魴鱖相教慎出入

古絕句

失名氏

藁砧今何在山上復有山何當大刀頭破鏡飛上天
日暮秋雲陰江水清且深何用通音信蓮花瑤瑁簪
兔絲從長風根莖無斷絕無情尚不離有情安可別

古絕句

失名氏

步出城東門遙望江南路前日風雪中故人從此去

室思

徐幹

自君之出矣明鏡暗不治思君如流水何有窮已時

失題

傅玄

飛蓬隨飄起芳草摧山澤世有千年松人生誰能百

春詠

陸機

節運同可悲莫若春氣甚和風未及燠遺涼清且凜

遊仙詩

四瀆流如淚五嶽羅若堙尋我青雲友永與時人絕

蘭亭集詩

王玄之

詩

集

二

魏

晉

言分
松竹挺巖厓幽澗激清流消散肆情志酣暢豁滯憂

蘭亭集詩

孫嗣

望巖懷逸許臨流想奇莊誰云真風絕千載挹餘芳

蘭亭集詩

王彬之

鮮葩映林薄游鱗戲清渠臨川欣投釣得意豈在魚

團扇郎

失名氏

解見雜言謝芳姿詩

七寶畫團扇粲爛明月光與郎却暄暑相憶莫相忘
青青林中竹可作白團扇動搖郎玉手因風託方便
團扇復團扇持許自障面憔悴無復理羞與郎相見

酌貪泉

吳隱之

隱之性廉操爲廣州刺史界有水名貪泉人
云飲此廉士皆貪隱之卽飲而賦詩

古人云此水一飲懷千金試使夷齊飲終當不易心

四時

陶潛

春水滿四澤夏雲多奇峯秋月揚明輝冬嶺秀孤松

子夜歌

失名氏

晉有女子名子夜造此聲聲過哀苦後人以
爲四時行樂之詞謂之子夜四時歌又有子
夜歌子夜警歌子夜變歌皆曲之變也

落日出前門瞻矚見子度冶容多姿鬢芳香已盈路
宿昔不梳頭絲髮被兩肩婉伸郎膝下何處不可憐
始欲識歡時兩心望如一理絲入殘機何悟不成匹
擘枕北窓臥郎來就儂嬉小喜多唐突相憐能幾時
年少當及時蹉跎日就老若不信儂語但看霜下草
感歡初殷勤歎子後遼落打金側瑋瑁外豔裏懷薄
誰能思不歌誰能飢不食日冥當戶倚惆悵底不憶
擘裙未結帶約眉出 羅裳易飄颺小開罵春風
夜長不得眠明月何灼灼想聞敝喚聲虛應空中諾
恃愛如欲進含羞未肯前朱口發豔歌玉指弄嬌絃

子夜春歌

失名氏

光風流月初新林錦花舒情人戲春月窈窕曳羅裾
杜鵑竹裏鳴梅花落滿道燕女遊春月羅裳曳芳草
春林花多媚春鳥意多哀春風復多情吹我羅裳開
朝日照北林初花錦繡色誰能不相思獨在機中織
子夜夏歌

反覆華簾上屏帳了不施郎君不可前待我整容儀
田蠶事已畢思婦猶苦身當暑理絺服持寄與行人
暑盛靜無風夏雲薄暮起攜手密葉下浮瓜沉朱李
春傾桑葉盡夏開蠶務畢晝夜理機絲知欲早成匹

言完
情知三夏熱今日偏獨甚香巾拂玉席共郎登樓寢
輕衣不重綵颯風故不涼三伏何時過許我紅粉妝

子夜秋歌

風清覺時涼明月天色高佳人理寒服萬結砧杵勞
開牕秋月光滅燭解羅裳含笑帷幌裏舉體蘭蕙香
涼風開窻寢斜月垂光照中宵無人語羅幌有雙笑
初寒八九月獨纏自絡絲寒衣尚未了郎喚儂底爲
秋風入牕裏羅帳起飄颺仰頭看明月寄情千里光

子夜冬歌

塗澀無人行冒寒往相覓若不信儂時但看雪上跡

冬林葉落盡逢春已復曜葵藿生谷底傾心不蒙照

子夜變歌

失名氏

人傳歡負情我自未嘗見三更開門去始知子夜變

前溪歌

沈玩

憂患出門倚逢郎前溪度莫作流水心引新都舍故
黃葛生爛漫誰能斷葛根寧斷嬌兒乳不斷郎殷勤

江陵樂

失名氏

不復出場戲毘場生青草試作兩三回毘場方就好

孟珠○人名

失名氏

望歡四五年實情將懊惱願得無人處回身與郎抱

翳樂

失名氏

人生歡愛時少年新得意一旦不相見輒作煩冤患

夜度娘

失名氏

夜來冒霜雪晨去冒風波雖得敘微情奈儂辛苦何

雙行纏

失名氏

朱絲繫腕繩真如白雪凝非但我言好來情共所稱

新羅繡行纏足跡如春妍他人不言好獨我知可憐

作蠶絲

失名氏

績蠶初成繭相思條女密投身湯火中貴得共成匹

長干曲

失名氏

逆浪故相邀菱舟不怕搖妾家楊子住慣弄廣陵潮

雜詩

失名氏

玉釵色未分衫輕似露腕舉袖欲障羞迴持理髮亂

桃葉歌

桃葉

桃葉王子敬妾名緣於篤愛而作

桃葉映紅花無風自婀娜春風映何限感郎獨採我

懊懣歌

綠珠

江陵去揚州三千三百里已行一千三所有二千在

我與歡相憐約誓底言者常嘆負情人郎今果成詐

月落天欲曙能得幾時眠悽悽下牀去儂病不能言

宋

丁督護歌

孝武帝

聞歡去北征相送直瀆浦只有淚可出無復情可吐
督護初征時儂亦惡聞許願作石尤風四面斷行旅

初發入南城

謝靈運

弄波不輟手玩景豈停目雖未登雲峯且以懽水宿

詩一首

靈運為孟覲所表帝惜其才不罪以為臨川
內史在郡游放為有司所糾遣從事收之靈
運興兵叛為詩

韓亾子房奮秦帝魯連恥本自江海人忠義感君子

中興歌

鮑照

千冬逢一春萬夜視朝日生平值中興歡起百憂畢

嘲府僚詩

何長瑜

陸展染鬚髮欲以媚側室青青不解久星星行復出

臨終

吳邁遠

傷歌入松路斗酒望青山誰非一丘土參差前後間

種蘭

袁淑

淑從母兄劉湛欲淑附已淑不改意由是相
乖賦詩以病免

種蘭忌當門懷璧莫向楚楚少別玉人門非植蘭所

贈范曄

陸凱

折花逢驛使寄與隴頭人江南無所有聊贈一枝春

碧玉歌

汝南王

碧玉汝南王妾名以寵愛之甚所以歌之

碧玉小家女不敢攀貴德感郎千金意慙無傾城色

碧玉破瓜時郎為情顛倒感君不羞報迴首就郎抱

讀曲歌

失名氏

民間為彭城王義業所作

花釵芙蓉髻雙鬢如浮雲春風不知着好來動羅裙
千葉紅芙蓉照灼綠水邊餘花任郎摘慎莫擺儂蓮

憐歡敢喚名念歡不呼字連喚歡復歡兩誓不相棄
音信闊弦朔方悟千里遙朝霜語白日知我為歡消
合冥過藩來向曉開門去歡取身上好不為儂作慮
五鼓起開門正見歡子度何處宿行還衣被有霜露
語我不遊行常常走巷路敗橋語方相欺儂那得渡
黃天不滅解甲夜曙星出漏刻無心腸復令五更畢
十期九不果常抱懷恨生然燈不下炷有油那得明
登店賣三葛郎來買丈餘合匹與郎去誰解斷麤疎

烏夜啼

失名氏

可憐烏白鳥強言知天曙無故三更啼歡子冒聞去

襄陽樂

王誕之

朝發襄陽城暮至大堤宿大堤諸女兒花豔驚郎目

寄行人

鮑令暉

桂吐兩三枝蘭開四五葉是時君不歸春風徒笑妾

贈王儉

王僧祐

汝家在市門我家在南郭汝家饒賓侶我家多鳥雀

江臯曲

王融

林斷山更續洲盡江復開雲峯帝鄉出水源桐柏來

詠池上梨花

翻塔沒細草集水間疎萍芳春照流雪深夕暎繁星

移席琴室應司徒教

雪厓似雷月蘿徑若披雲潺湲石溜寫絲轡山雨聞

後園作迴文詩

斜峯遠徑曲聳石帶山連花餘拂戲鳥樹密隱鳴蟬

同王主簿有所患

謝朓

佳期期未歸望望下鳴機徘徊東陌上月出行人稀

玉塔怨

夕殿下秋簾流螢飛復息長夜縫羅衣患君此何極

王孫遊

綠草蔓如絲雜樹紅英發無論君不歸君歸芳已歇

詠鷓鴣

蕙草含初芳
瑤池暖晚色
得廁鴻鸞影
晞光弄羽翼

別詩

張融

白雲山上盡清風
松下歌欲識離人悲
孤臺見明月

遊太平山

孔稚圭

石險天貌分
林交日容缺
陰澗落春榮
寒巖留夏雪

楊叛兒

佚名氏

齊何后嬖女巫
巫子楊閔童謠稱
楊婆兒訛作此

斃出白門前
楊柳可藏烏
歡作沉水香
儂作博山爐

歡欲見蓮時
移湖安屋裏
芙蓉遶床生
眠臥抱蓮子

蘇小小歌

佚名氏

我乘油壁車
郎乘青驄馬
何處結同心
西陵松柏下

估客樂

釋寶月

郎作十里行
儂作九里送
拔儂頭上釵
與郎資路用
有信數寄書
無信心相憶
莫作瓶落井
一去無消息

子夜春歌

武帝

堦上香入懷
庭中花照眼
春心一如此
情來不可限
蘭葉始滿池
梅花已落枝
持此可憐意
摘以寄心知

子夜夏歌

江南蓮花開紅光照碧水色同心不同藕異心無異
閨中花如綉簾上露如珠欲知有所思停織復踟躕
玉盤貯朱李金杯盛白酒雖欲持自親復恐不甘口
含桃落花日黃鳥營飛時君住馬已疲妾去蠶欲饑

襄陽白銅鞮歌

草樹非一香花葉百種色寄語故情人知我心相憶

楊叛兒

桃花初發紅芳草尚抽綠南音多有會偏重叛兒曲

邊戍

秋月出中天遠無偏異共照一光輝各懷離別思

有所思

簡文帝

寂寂暮檐響黯黯垂簾色惟有瓠瓠苔如見蜘蛛織

蜀道難

巫山七百里巴水三迴曲笛聲下復高猿啼斷復續

採菱曲

菱花落復含桑女罷新蠶桂棹浮星艇徘徊蓮葉南

夜夜曲

愁人夜獨傷滅燭臥蘭房祇恐多情月旋來照妾牀

從頓還城南

雙別兩成疑開簾生舊憶都知未有情更似新相識

行雨

本是巫山來無人覩容色惟有楚王臣曾言夢相識

愁閨照鏡

別來顛頰久他人怪容色只有匣中鏡還持自相識

梁塵

依帷蒙重翠帶日聚輕紅定為歌聲起非關團扇風

詠獨舞

因羞強正釵顧影時迴枝非關善留客更是嬌夫婿

詠雪○顛倒使韻

鹽飛亂蝶舞花落飄粉匝匝粉飄落花舞蝶亂飛鹽

贈到溉洽

元帝

時以溉洽兄弟比二陸故贈詩

魏世重雙丁晉朝稱二陸何如今兩到復似凌寒竹

細雨

風輕不動葉雨細未霑衣入樓如霧上拂馬似塵飛

望春

葉濃知柳密花盡覺梅疎蘭生未可握蒲小不堪書

綠柳

長條垂拂地輕花上逐風露露凝染綠葉小未障空

咏螢火

著人疑不熱集草訝無煙到來燈下暗翻往雨中然
入茅山尋桓清遠題壁 邵陵王綸

荆門丘壑多甕牖風雲入自非棲遁情誰堪霜露濕

和湘東王後園迴文詩

燭華臨靜夜香氣入重幃曲度聞歌遠繁絃覺舞遲

細言應令

沈約

開館尺椽餘築榭微塵裏蝸角列州縣毫端建朝市

為隣人有懷不至

影逐斜月來香隨遠風入言是定知非欲笑翻成泣

春思絕句

王僧孺

雪罷枝即青冰開水便綠復聞黃鳥聲全作相思曲

咏長信宮中草

庾肩吾

委翠似知節含芳如有情全由履迹少併欲上堦生

賦得池萍

風翻乍青紫浪起時疎密本欲嘆無根還驚能有實

山中樵詩

吳均

山際見來烟竹中窺落日鳥向簷上飛雲從窓裏出

詠慈姥磯石上松

根為石所蟠枝為風所碎賴我有貞心終凌細草葦

相送

何遜

客心已百念孤遊重千里江暗雨欲來浪白風初起

詠姬人未肯出

劉孝綽

惟開見釵影簾動聞釧聲徘徊定不出常羞華燭明

咏眼

含嬌慢已合離怨動方開欲知密中意浮光逐笑迴

望隔牆花

劉孝威

隔牆花半隱猶見動花枝當由美人摘詎止春風吹

咏翦綵花

葉舒非漸大花發是初開無論人訝似蜂見也爭來

答詔

陶弘景

山中何所有嶺上多白雲只可自怡悅不堪持贈君

和約法師臨友人

我有數行淚不落十餘年今日為君盡併灑秋風前

競病韻

曹景宗

景宗破魏凱旋帝於光華殿宴飲聯句令左

僕射沈約賦韻景宗啓求賦詩時韻已盡唯

餘競病二字景宗復操筆而成帝甚歎賞

去時兒女悲歸來笳鼓競借問行路人何如霍去病

詠舞

殷芸

斜身含遠意頓足有餘情方知難再得所以遂傾城

詠舞

何景容

因風且一顧揚枝隱雙蛾曲終情未已含睇目增波

胡笳曲

王洪

落日慘無光臨河獨飲馬颼颼夕風高聯翩飛鴈下

月中飛螢

紀少瑜

遠度時依幕斜來如畏窻向月光還盡臨池影更雙

咏殘燈

殘燈猶未滅將盡更揚輝唯餘一兩焰纔得解羅衣

蕩婦高樓月

王臺卿

空庭高樓月非復三五圓何須照牀裏終是一人眠

琅琊王歌

佚名氏

新買五尺刀懸著中梁柱一日三摩挲劇於十五女

折楊柳枝歌

佚名氏

問女何所患問女何所憶阿婆許嫁女今年無消息

高陽樂人歌

佚名氏

何處蹀躞來兩頰色如火自有桃花容莫言人勸我

孤燕詩

衛敬瑜妻

貞女所居戶有燕巢常雙飛來去後忽孤飛

貞女感其偏棲乃以縷繫燕脚為誌後歲此

燕更來猶帶前縷女復為詩

陳

昔年無偶去今春猶獨歸故人恩義重不忍復雙飛

侍宴

後主

日月光天德山河壯帝居太平無以報願上東封書

於長安歸還揚州九月九日行薇山

江總

心逐南雲逝形隨北鴈來故園離下菊今日幾花開

破鏡詩

徐德言

陳太子舍人徐德言尚後主叔寶之妹樂昌公主陳衰謂其妻曰國破汝必入權豪之家儻情緣未盡尚冀相見乃破鏡各分其半約

曰正月望日賣於成都市及陳亡其妻果為楊素所得德言至成都市有蒼頭賣半鏡德言引至其居設食具言其故出半鏡合之仍題此詩陳氏泣涕不食素知之乃召德言還其妻陳氏為下詩云云

鏡與人俱去鏡歸人不歸無復嫦娥影空留明月輝

饒別自解

樂昌公主

今日何遷次新官對舊官笑啼俱不敢方信作人難

從軍五更轉

伏知道

四更星漢低落月與雲齊依稀北風裏胡笳雜馬嘶

詩宗

已集

十六

自君之出矣

賈馮吉

自君之出矣紅顏轉憔悴君如明燭煎心且銜淚

破扇

許倪

蔽日無全影搖風有半涼不堪障巧笑猶足動衣香

和司徒鎧曹陽辟彊秋晚

蕭愨

葉疎知樹落香盡覺荷衰山藪良多思田園聊復歸

感琵琶絃

馮淑妃

雖蒙今日寵猶憶昔時憐欲知心斷絕應看膝上絃

過藏矜道館

王褒

松古無年月鶴去復來歸石壁藤為路山窓雲作扉

齊北

周北

集周公處連句

庾信

市朝一朝變蘭艾本同焚故人相借問平生如所聞

寄徐陵

故人倘思我及此平生時莫待山陽路空聞吹笛悲

寄王琳

玉關道路遠金陵信使疎獨垂千行淚開君萬里書

和侃法師

客遊經歲月羈旅故情多近學衡陽鴈秋分俱渡河

春江花月夜

煬帝

暮江平不動春花滿正開流波將月去潮水帶星來

隋

喜春遊歌

步緩知無力臉曼動餘嬌錦袖淮南舞寶林楚宮腰

憶韓俊娥

帝在廣陵侍兒韓俊兒尤得帝意蕭妃誣罪
去之帝不能止登樓憶之

人日思歸

薛道衡

入春纔七日離家已二年人歸落鴈後思發在花前

夏晚

流火稍西傾夕影遍曾城高天澄遠色秋氣入蟬聲

浮遊花

辛德源

牕中斜日照池上落花浮若畏春風晚當思秉燭遊

落葉

孔紹安

早秋驚落葉飄零似客心翻飛未肯下猶言惜故林

送別

陳子良

落葉聚還散征禽去不歸以我窮途泣沾君出塞衣

宿郊外曉作

王衡

殘星落檐外餘月罷窻東水白先分色霞暗未成紅

送別秦王學士江益

劉夢予

百年風月意一旦死生分客心還送客悲我復悲君

詠桐

陸季覽

搖落依空井生死尚餘心不辭先入爨惟恨少知音

陽春曲

佚名氏

芳艸生前徑含桃落小園春心自搖蕩百舌更多言

歎疆場

佚名氏

聞道行人至新妝對鏡臺淚痕猶尚在笑靨自然開

粧成

侯夫人

妝成多自惜夢好却成悲不及楊花意春來到處飛

自感

庭絕玉輦迹芳草漸成窠隱隱聞簫鼓君恩何處多

欲泣不成淚悲來翻強歌庭花方爛漫無計奈春何
春陰正無際獨步意如何不及閒花草翻承雨露多

贈情人

李月素

感郎千金意含嬌抱郎宿試作帷中音羞開燈前目

因故人歸作

蘇蟬翼

郎去何太速郎來何太遲欲借一尊酒共敘十年悲

寄玩郎

張碧蘭

郎如洛陽花妾似武昌柳兩地惜春風何時一攜手

潼關口

玄宗皇帝

河曲回千里關門限二京所嗟非恃德設險到天平

詩宗

已集

蟬

虞世南

垂緜飲清露流響出疎桐居高聲自遠非是藉秋風

過酒家

王績

此日長昏飲非關養性靈眼看人盡醉何忍獨為醒

贈李十四

王勃

亂竹開三徑飛花滿四隣從來揚子宅別有尚玄人

夜送趙縱

楊炯

趙氏連城壁由來天下傳送君還舊府明月滿前川

易水送別

駱賓王

此地別燕丹壯士髮衝冠昔時人已沒今日水猶寒

玩初月

忌滿光恆皎乘昏影斲流自能明似鏡何用曲如鉤

在軍登城樓

城上風威冷江中水氣寒戎衣何日定歌舞入長安

中秋月

李嶠

盈鉞青冥外東風萬古吹何人種丹桂不長出輪枝

圓魄上寒空皆言四海同安知千里外不有雨兼風

別杜審言

宋之問

臥病人事絕嗟君萬里行河橋不相送江樹遠含情

渡漢江

嶺外音書斷經冬復歷春近鄉情更恻不敢問來人

昭君怨

東方虬

漢道方全盛朝廷足武臣何須薄命妾辛苦事和親
掩淚辭丹鳳銜悲向白龍單于浪驚喜無復舊時容

昭君怨

郭振

聞有河南信傳言殺畫師始知君念重復遣畫娥眉

詠黃鸝兒

鄭惜

欲轉聲猶澀將飛羽未調高風不借便何處得遷喬

途中口號

盧僎

抱玉三朝楚懷書十上秦年年洛陽陌花鳥弄歸人

題袁氏別業

賀知章

主人不相識偶坐為林泉莫漫愁沽酒囊中自有錢

自君之出矣

張九齡

自君之出矣不復理殘機思君如滿月夜夜減清輝

照鏡見白髮

宿昔青雲志蹉跎白髮年誰知明鏡裏形影自相憐

送朱大入秦

孟浩然

遊人五陵去寶劍直千金分手脫相贈平生一片心

送友之京

君登青雲去余望青山歸雲山從此別淚溼薜蘿衣

詩宗

已集

二

宿建德江

移舟泊烟渚日暮客愁新野曠天低樹江清月近人

洛陽途中作

珠彈繁華子金羈遊俠人酒酣白日暮走馬入紅塵

春曉

春眠不覺曉處處聞啼鳥夜來風雨聲花落知多少

尋菊花潭主人

行至菊花潭邨西日已斜主人登高去雞犬空在家

靜夜思

李白

床前看月光疑是地上霜舉頭望明月低頭思故鄉

相逢行

相逢紅塵內高揖黃金鞭萬戶垂楊裏君家阿那邊

綠水曲

綠水明秋月南湖採白蘋荷花嬌欲語愁殺蕩舟人

玉階怨

玉階生白露夜久侵羅襪却下水晶簾玲瓏望秋月

獨坐敬亭山

衆鳥高飛盡孤雲獨去閒相看兩不厭只有敬亭山

自遣

對酒不覺暝落花盈我衣醉起步溪月鳥還人亦稀

秋浦歌

白髮三千丈綠愁似箇長不知明鏡裏何處得秋霜
魯中都東樓醉起作

昨日東城飲還應倒接羅阿誰扶上馬不省下樓時

越女詞

長干吳兒女睂目豔星月屐上足如霜不著鴉頭襪
耶溪採蓮女見客棹歌迴笑入荷花去佯羞不出來
鏡湖水如月耶溪女如雪新妝蕩新波光景兩奇絕

怨情

美人捲珠簾淡坐嘔蛾睂但見淚痕濕不知心恨誰

登樓

危樓高百尺手可摘星辰不敢高言語恐驚天上人

田園言懷

賈誼三年謫班超萬里侯何如牽白犢飲水對清流

哭宣城善釀紀叟

紀叟黃泉裏還應釀老春夜臺無李白沽酒與何人

江南曲

崔顥

下渚多風浪蓮船漸覺稀那能不相待獨自逆潮歸
三江潮水急五湖風浪涌由來花信輕莫畏蓮舟重

古意

崔國輔

詩宗
目集
淨掃黃金塔飛霜皎如雪下簾彈箜篌不忍見秋月

魏宮詞

朝日照紅妝擬上銅雀臺畫眉猶未了魏帝使人催

少年行

遺却珊瑚鞭白馬驕不行章臺折楊柳春日路傍情

流水曲

歸來日尚早更欲向芳洲渡口水流急回船不自由

麗人曲

紅顏稱絕代欲竝真無侶獨有鏡中人由來自相許

臨高臺

王維

相送臨高臺川原杳無極日暮飛鳥還行人去不息

息夫人

莫以今時寵能忘舊日恩看花滿眼淚不共楚王言

班婕妤好

宮殿生秋草君王恩幸疎那堪聞鳳吹門外度金輿

玉窻螢影度金殿人聲絕秋夜守羅帷孤燈耿不滅

樸詩

君自故鄉來應知故鄉事來日綺窓前寒梅著花未

別輞川

依遲動車馬惆悵出松蘿忍別青山去其如綠水何

詩宗

卷之四

二四

崔九弟欲往南山馬上口號與別

城隅一分手幾日還相見山中有桂花莫待花如霰

鳥鳴磻

人間桂花落夜靜春山空月出驚山鳥時鳴春磻中

孟城坳

新家孟城口古木餘衰柳來者復為誰空悲昔人有

華子岡

飛鳥去不窮連山復秋色上下華子岡惆悵情何極

鹿柴

空山不見人但聞人語響返照入深林復照青苔上

竹裏館

獨坐幽篁裏彈琴復長嘯深林人不知明月來相照

辛夷塢

木末芙蓉花山中發紅萼澗戶寂無人紛紛開且落

白石灘

清淺白石灘綠蒲向堪把家住水東西浣紗明月下

上平田

朝耕上平田暮耕上平田借問問津者寧知沮溺賢

漆園

古人非傲吏自闕經世務偶寄一微官婆婆數枝樹

山中

荆溪白石出天寒紅葉稀山路元無雨空翠濕人衣

洛陽道

儲光羲

洛水春冰開洛城春樹綠朝看大道上落花亂馬足
大道直如髮春日佳氣多五陵貴公子雙雙鳴玉珂

長安道

西行一千里暝色生寒樹暗聞歌吹聲知是長安路

江南曲

綠江淡見底高浪直翻空慣是湖邊住舟輕不畏風

題灞池

王昌齡

開門望長川薄暮見漁者借問白頭翁垂綸幾年也

閨怨

沈如筠

鴈盡書難寄愁多夢不成願隨孤月影流照伏波營

登鶴雀樓

王之渙

白日依山盡黃河入海流欲窮千里目更上一層樓

孟城坳

裴迪

結廬古城下時登古城上古城非疇昔今人自來往

木蘭柴

蒼蒼落日時鳥聲亂溪水緣溪路轉溪幽興何時已

白石灘

岐石復臨水弄波情未極日下川上寒浮雲澹無色

閒居

高適

柳色驚心事春風厭索居方知一杯酒猶勝百家書

見渭水思秦川

岑參

渭水東流去何時到雍州憑添兩行淚寄向故園流

題三會寺倉頡造字臺

野寺荒臺晚寒天古木悲空階有鳥跡猶似造書時

行軍九日思長安故園

強欲登高去無人送酒來遙憐故園菊應傷戰場開

武侯廟

杜甫

遺廟丹青落空山草木長猶聞舜後主不復臥南陽

八陣圖

功蓋三分國名成八陣圖江流石不轉遺恨失吞吳

絕句

江碧鳥逾白山青花欲燃今春看又過何日是歸年

別輞川別業

王縉

山月曉仍在林風涼不絕殷勤如有情惆悵令人別

古歌

沈千運

北邙不種田但種松與柏松柏未生處畱待市朝客

逢雪宿芙蓉山

劉長卿

日暮蒼山遠天寒白屋貧柴門聞犬吠風雪夜歸人
送張十八

歸人乘野艇帶月過江村正落寒潮水相隨夜到門
寄龍山道士許法陵

悠悠白雲裏獨住青山客林下晝焚香桂花同寂寂
江中對月

空洲夕煙斂對月秋江裏歷歷沙上人月中孤渡水
茱萸灣答友人問

荒涼野店絕迢遞人烟遠蒼蒼古木中多是隋家苑
送方外上人

孤雲將野鶴豈向人間住莫買沃州山時人已知處
秋夜寄丘員外

懷君屬秋夜散步咏涼天山空松子落幽人應未眠
宿永陽寄璨律師

遙知郡齋夜凍雪封松竹時有山僧來懸燈獨自宿
同襄子秋齋獨宿

山月皎如燭霜風時動竹夜半鳥驚栖窓間人獨宿
閩門懷古

獨鳥下高樹遙知吳苑園淒涼千古事日暮倚閩門
同諸公有懷

皇甫冉

舊國迷江樹他鄉近海門移家南渡久童稚解方言
送王翁信還剡中舊居

海岸畊殘雪溪沙釣夕陽家中何所有春草漸看長

山下泉

皇甫曾

漾漾帶山光澄澄倒林影那知石上喧却憶山中

逢俠者

錢起

燕趙悲歌士相逢劇孟家寸心言不盡前路日將斜

宿洞口館

野竹通溪冷秋泉入戶鳴亂來人不到寒草上堦生

竹間路

暗歸草堂靜半入桃源去有時載酒來不與清風遇

江行

斗轉月未落舟行夜已深有邨知不遠風便數聲砧
兵火有餘燼貧邨自數家無人爭曉渡殘月下寒沙
幸有煙波興寧辭筆硯勞緣情無怨刺却似反離騷

漢宮曲

韓翃

駿馬繡障泥紅塵撲四蹄歸時何太晚日照杏花西
綉幕珊瑚鉤春關翡翠樓淡情不肯道嬌倚細篔簹

銅雀妓

朱放

恨唱歌聲咽愁翻舞袖遲西陵日欲暮是妾斷腸時

詩宗

已集

詩宗 卷八 長信宮

長信宮

劉方平

夢裏君王近宮中河漢高秋風能再熱團扇不辭勞

採蓮曲

落日清江裏荆歌豔楚腰採蓮從小慣十五即乘潮

塞下曲

盧綸

月黑鴈飛高單于夜遁逃欲將輕騎逐大雪滿弓刀

和李益

戚戚一西東十年今始同可憐風雨夜相對兩衰翁

拜新月

李端

開簾見新月即便下階拜細語人不聞北風吹裙帶

蕪城懷古

風吹城上樹草沒城邊路城裏月明時精靈自來去

鳴箏

鳴箏金粟柱素手玉房前欲得周郎顧時時誤拂絃

別盧秦卿

司空曙

知有前期在難分此夜中無將故人酒不及石尤風

玩花與衛象同醉

衰鬢千莖雪他鄉一樹花今朝與君醉忘却在長沙

金陵懷古

輦路江楓暗宮庭野草春傷心庾開府老作北朝臣

詩宗

卷八

三十一

傷秋

歲去人頭白秋來木葉黃搔頭向黃葉與爾共悲傷

秋日

耿漳

返照入閭巷憂來誰共語古道少人行秋風動禾黍

答韋蘇州

丘丹

露滴梧葉鳴秋風桂花發中有學仙人吹簫弄山月

古輓歌

于鵠

陰風吹黃蒿挽歌渡秋水車馬却歸家孤墳明月裏

登鶴雀樓

暢當

迴臨飛鳥上高出世人間天勢迴平野河流入斷山

江行

柳談

繁陰乍隱洲落葉初飛浦蕭蕭楚客帆日暮寒江雨

惜春

戴叔倫

畏老身全老逢春解惜春今年看花伴已少去年人

題花樹

楊衡

都無看花意偶到樹邊來可憐枝上色一一為誰開

玉臺體

權德輿

萬里人行至深閨夜未眠雙眉燈下掃不待鏡臺前

曉

曉風搖五兩殘月映石壁稍稍曙光開片帆在空碧

詩

卷八

三一

言宗
夏夜作

武元衡

夜久喧暫息池臺惟月明無因駐清景日出事還生
途中即事

南征復北還擾擾百年間自笑紅塵裏生涯不暫閒
宮中樂
令狐楚

月上宮花靜烟含苑樹深銀臺門已閉仙漏夜沉沉
從軍行

胡風千里驚漢月五更明縱有還家夢猶聞出塞聲
甘棠館
劉禹錫

公館似仙家池清竹徑斜山禽忽驚起衝落半巖花
秋風引

何處秋風至蕭蕭送鴈羣朝來入庭樹孤客最先聞
江雪
柳宗元

千山鳥飛絕萬徑人蹤滅孤舟蓑笠翁獨釣寒江雪
登柳州岷山

荒山秋日午獨上意悠悠如何望鄉處西北是融州
零陵早春

問春從此去幾日到秦原憑寄還鄉夢殷勤入故園
長沙驛前南樓感舊

自注昔與德公別於此海鶴指德公

海鶴一鳥別存亾三十秋今來數行淚獨上驛南樓

把酒

韓愈

擾擾馳名者誰能一日閒我來無伴侶把酒對南山

贈同遊

喚起窻全曙催歸日未西無心花裏鳥更與盡情啼

閨怨

孟郊

妾恨比斑竹下盤煩冤根有笋未出土中已含淚痕

鞏路感懷

呂溫

馬嘶白日暮劍鳴秋氣來我心杳無際河上空裴徊

野田

張籍

漠漠野田草草中牛羊道古墓無子孫白日不得老

寄西峯僧

松暗水涓涓夜涼人未眠西峯月猶在遙憶草堂前

梅谿

自愛新梅好行尋一徑斜不教人掃石恐拋落來花

惜花

山中春已晚處處見花稀明日來無盡林間宿不歸

田家

王建

啾啾雀滿樹靄靄東陂雨田家無夜食水中摘禾黍

新嫁娘

三日入廚下洗手作羹湯未諳姑食性先遣小姑嘗
故行宮

寥落故行宮宮花寂寞紅白頭宮女在閒坐說玄宗

池上

白居易

小娃撐小艇偷採白蓮回不解藏蹤跡浮萍一道開
微之敦詩晦步相次淪逝歸然自傷

長夜君先去殘年我幾何秋風滿衫淚泉下故人多

閨人贈遠

王涯

遠戍功名薄深閨年額傷妝成對春樹不語淚千行

谿居

裴度

門逕俯清谿葑簷古木齊紅塵飛不到時有水禽啼

憫農

李紳

鋤禾日當午汗滴禾下土誰知盤中食粒粒皆辛苦
春種一粒粟秋收萬顆子四海無閒田農夫猶餓死

宮詞

張祜

故國三千里淡宮二十年一聲河滿子雙淚落君前

幼女詞

施肩吾

幼女纔六歲未知巧與拙向夜在堂前學人拜新月

劍客

賈島

十年磨一劍霜刃未曾試今日把贈君誰有不平事

尋隱者不遇

松下問童子言師採藥去只在此山中雲深不知處

登樂遊原

李商隱

向晚意不適驅車登古原夕陽無限好只是近黃昏

早起

風露澹清晨簾間獨起人鳥啼花又笑畢竟是誰春

長安秋望

杜牧

樓倚霜樹外鏡天無一毫南山與秋色氣勢兩相高

歸家

稚子牽衣問歸來何太遲共誰爭歲月贏得鬢成絲

題張處士山莊

好鳥疑敲磬風蟬認軋箏
篁與嘉樹偏倚半巖生

獨酌

窗外正風雪擁爐開酒缸
何如釣船雨篷底睡秋江

火爐前坐

孤燈照不寐風雨滿西林
多少關心事書友到夜深

鬢婦

佚名

昨日到城郭歸來淚滿巾
遍身綺羅者不是養蠶人

秋思

馬戴

萬木秋霖後孤山夕照餘
田園無歲計寒近憶樵漁

詩宗

卷集

詩宗 卷八

懷鄭洎

孟遲

風蘭舞幽香雨葉墮寒滴美人來不來前山看向夕

江村夜泊

項斯

日落江路黑前村人語稀幾家淡樹裏一火照船歸

碧澗驛

溫庭筠

香燈伴殘夢楚國天一涯月落子規歇滿庭山杏花

勸酒

于武陵

勸君金屈危滿酌不須辭花發多風雨人生足別離

古詞

李羣玉

一合相思淚臨江灑素秋碧波如會意却與向西流

牧童

劉駕

牧童見客拜山果懷中落盡日驅牛歸前溪風雨惡

築臺詞

前杵與後杵築城聲不住我願築更高得見秦皇墓

秦娥

秦娥十四五面白於指爪羞人夜採桑驚起戴勝鳥

坂城

儲嗣宗

百戰未言非孤軍驚夜圍山河意氣盡淚濺美人衣

情詩

曹鄴

蛺蝶空中飛天桃庭中春見他夫婦好有女初嫁人

詩宗

卷八

三六

感事

武瓘

花開蝶滿枝花謝蝶還稀惟有舊時燕主人貧亦歸

烏夜啼

聶夷中

衆鳥各歸枝烏鳥爾不栖還應知妾恨故向綠窓啼

長安道

此地無住馬夜中猶走輪所以路傍草少於衣上塵

青樓曲

于濬

青樓臨大道一上一回老所患終不來極目傷春草

小院

唐彥謙

小院無人夜煙斜月轉明清宵易惆悵不必有離情

三月晦日送客

崔魯

野酌亂無巡送君兼送春明年春色至莫作未歸人

效崔國輔體

韓偓

淡月照中庭海棠花自落獨立俯聞階風動秋千索

羅幕生春寒繡窻愁未眠南湖夜來雨應溼採蓮船

班婕妤

崔道融

寵極辭同輦恩深棄後宮自題秋扇後不敢怨春風

春晚

三月寒食時日色濃於酒落盡牆頭花鶯聲隔原柳

題慈恩塔

荆叔

漢國山河在秦陵草樹溪暮雲千里色無處不傷心

芭蕉

路德延

一種靈苗異天然體性虛葉如斜界紙心似倒抽書

樂府伊州歌

金昌緒

打起黃鸝兒莫教枝上啼啼時驚妾夢不得到遼西

答人

太上隱者

偶來松樹下高枕石頭眠山中無曆日寒盡不知年

別酒主人

山中客

酒盡君莫沽壺乾我當發城市多買塵還山弄明月

城上吟

釋子蘭

古塚密於草新墳侵古道城外無閒地城中人又老

題紅葉

韓氏

流水何太急淡宮盡日間殷勤謝紅葉好去到人間

送兄

七歲女子

別路雲初起離亭葉正飛所嗟人異鴈不作一行歸

題玉泉溪

湘驛女子

紅葉醉秋色碧溪彈夜絃佳期不可再風雨杳如年

囉噴曲

劉采春

不喜秦淮水生憎江上船載兒夫婿去經歲又經年

明月三五夜

崔氏女

詩宗

卷八

待月西廂下迎風戶半開拂牆花影動疑是故人來

春望詞

薛濤

花開不同賞花落不同悲欲問相思處花開花落時

門扉

周濂溪

有風還自掩無事晝常關開闔從方便乾坤在此間

清夜

邵康節

月到天心處風來水面時一般清意味料得少人知

雜詩絕句

梅堯臣

鵲銜高樹蟬危脇綠車響露腹不曾肥殺之嗟已在

和晏相公湖上

韓維

穫水登紅稻篙舟割紫菱盃盤見秋物江海思飛騰

和廬山芝上人竹軒

蘇軾

洞外復空中千千萬萬同勞師向竹頌清是阿誰風

促織

月叢號耿耿露葉泣溽溽夜長不自暖那憂公子寒

書文與可墨竹

筆與子皆逝詩今誰為新空遺運斤質却弔斷絃人

和子由岐下二十一咏

湖上移魚子初生不畏人自從識釣餌欲見更無因

再次贈張學錄韻

陳造

李蔡下中爾萬目指騫騰何蕃頭欲白秋窓耿青燈

精舍

朱文公

琴書四十年幾作山中客一日茅棟成居然我泉石

百丈岩石磴

層巖俯幽壑微徑忽中斷努力一躋攀前程有奇觀

枕屏秋景

山寒夕颯急木落洞庭波幾疊雲屏好一生秋夢多

山齋

藏書樓上頭讀書樓下屋懷哉千載心俯仰數椽足

古築城曲

陸游

嶧山訪秦碑斷裂無完筆惟有築城詞哀怨如當日

梅花

欲與梅為友常憂不稱渠從今斷火食飲水讀仙書

物外雜題

飼驢畱野店買藥入山城興盡飄然去無人識姓名

藥洲

劉克莊

怪怪奇奇石誰能辨醜妍莫教贊皇見定輦入平泉

此君室

方岳

竹意吾為誰山曰子非我未知回孰賢自贊牛也可

秋夜詞

佚名氏

詩宗

八已集

言宗
愁生山外山恨殺樹邊樹隔斷秋月明不使共一處

吉水夜泊

真山民

入夜始維舟黃蘆古渡頭眠鷗知讓客飛過蓼花洲

西窻

王曼之

西窻枕寒池池邊老松樹渴猿下偷泉見影忽驚去

洛陽高少府瀍陽後菴

元好問

溪上弄明月風露發新警心空無一塵萬竹掃秋影

題諸葛武侯畫像

吳澄

含嘯沔陽春孫曹不敢臣若無三顧主何地著斯人

寒夜作

揭傒斯

元

疎星凍霜空流月濕林薄虛館人不眠時聞一葉落

過高郵射陽湖雜咏

薩都刺

野鶴如人長迎風理毛羽獨立秋雨涼人來忽飛去

雜興

周權

涼蟾淨如洗酒醒夜初寂山檐宿雨多空階響餘滴

估客行

張憲

割裳製家書刺指題日月不知何時到但記今朝發

陽臺曲

楊維禎

月落望夫山高臺十二鬢楚宮多妒女雲雨夢中還

江南曲

華幼武

詩宗

八

四一

郎上渡江船妾倚江邊樹空挽柳絲長繫郎船不住

蓮塘曲

劉基

落日下蓮塘輕風趁晚涼偶然花片落飛出兩鴛鴦

閨詞

剔却燈花藥從教污翠鈿幾迴虛報喜誤妾不成眠

林下

高啓

樹涼山意秋雲澹川光夕林下不逢人幽芳共誰摘

陌上桑

楊基

青青陌上桑葉葉帶春雨已有催絲人咄咄桑上語

無題

袁凱

門外青青草今年覺更深前時玉釵墜侍婢不能尋

美人撲蝶

王偁

為惜韶華去春淡出繡幃撲將花底蝶祇為妒雙飛

出郭

楊慎

高田如樓梯平田如碁局白鷺忽飛來點破秧針綠

夜宿碧雲寺

王世貞

幽人夜無寐初月銜山閣不見月出光但見松影落

漂母祠

吳擴

賢哉一飯恩千載獨廟食如何漢諸陵寂寞生荆棘

秋日

梁有譽

言
集
瑤琴不復理空餘山水情棄置石牀上風來時一鳴

清修閣

王穉登

小閣頽清渠匡床枕流臥朝來簟紋濕知有白雲過

圮橋憶子房

馮時可

偶語猶棄市一椎何自全秦皇十日索不向圮橋邊

西湖

袁宏道

一日湖上行一日湖上坐一日湖上立一日湖上臥

道上口占

淋淋瀝瀝行仄仄敲敲遠此去浮屠街二十四泥坂
峯峯雪點綴曲曲水蒼寒却似曾經眼王維畫上看

魏
附六言三十六首

名與身孰親

稽康

哀哉世俗徇榮馳鴛鴦竭力喪精得失相紛憂驚自是
勤苦不寧

生生厚招咎

金玉滿堂莫守古今安此麤醜獨以道德爲友故能
延期不朽

名行顯患滋

位高勢重禍基美色伐性不疑厚味腊毒難治如何
貪人不思

詩宗

八已集

詩宗

卷之四

晉

遊仙詩

庾闡

玉房石槩磊砢燭龍銜輝吐火朝採石英澗左夕翳
瓊葩巖下

齊

妾薄命

失名氏

日月既逝西藏夏會蘭室洞房華燈步障舒光皎若
日出扶桑促樽合坐行觴主人起舞盜盤能者穴觸
別端騰觚飛爵闌干同量等色齊顏任意交屬所歡
朱顏發外形蘭袖隨禮容極情妙舞僊僊體輕裳解
履遺絕纓倏仰笑喧無呈覽持佳人玉顏齊舉金雀
翠盤手形羅袖良難腕弱不勝珠環坐者歎息舒顏

梁

御巾裏粉君傍中有霍納都梁雞舌五味雜香進者
何人齊姜恩淡愛重難忘名延親好宴私但歌盃來
何遲客賦既醉言歸主人稱露未晞

倡樓怨節

簡文帝

朝日斜來照戶春鳥爭飛出林片光片影皆麗一聲
一轉煎心上林紛紛花落淇水漠漠苔浮年馳節流
易進何為忍憶含羞

北周

高勾麗

王褒

蕭蕭易水生波燕趙佳人自多傾盃覆盃濯濯垂手
奮袖娑娑不惜黃金散盡只與白日蹉跎

詩宗

卷之四

四四

唐

田園樂

王維

採菱渡頭風急策杖村西日斜杏樹壇邊漁父桃花
 源裏人家
 萋萋芳草春綠落落長松夏寒牛羊自歸邨巷童稚
 不識衣冠
 山下孤煙遠村天邊獨樹高原一瓢顏回陋巷五柳
 先生對門
 酌酒會臨泉水抱琴好倚長松南園露葵朝折西舍
 黃梁夜春
 桃紅復含宿雨柳綠更帶朝烟花落家僮未掃鳥啼

山客猶眠

再見封侯萬戶立談賜璧一雙詎勝耦耕南畝何如
 高臥北窓

尋張逸人山居

劉長卿

危石纔通鳥道空山更有人家桃源定在溪處澗水
 浮來落花

送陸澧還吳中

瓜步寒潮送客楊柳暮雨霑衣故山南望何處秋草
 連天獨歸

茗溪訓梁耿別後見寄

詩宗

已集

清川永路何極落日孤舟解攜鳥向平蕪遠近人隨
流水東西白雲千里萬里明月前谿後谿惆悵長沙
謫去江潭芳草萋萋

送鄭二之荜山

皇甫冉

水流絕澗終日草長淡山暮春犬吠雞鳴幾處條桑
種杏何人

問李二司直所居雲山

門外水流何處天邊樹遶誰家山色東西多少朝朝
幾度雲遮

送陳明府赴淮南

韓翃

年華近過清明落日微風送行黃鳥絲蠻芳樹紫驪
躑躅東城花間一杯促膝烟外千里含情應渡淮南
信宿諸侯擁旆相迎

送萬臣

盧綸

把酒留君聽琴誰堪歲暮離心霜葉無風自落秋雲
不雨空陰人愁荒邨路細馬怯寒溪水淡望盡青山
獨立更知何處相尋

歸山

顧況

心事數莖白髮生涯一片青山空林有雪相待古道
無人獨還

宮中三臺

池北池南草綠殿前殿後花紅天子千秋萬歲未央
明月清風

送李億東歸

周賀

黃山遠隔秦樹紫禁斜通渭城別路青青柳發前溪
漠漠花生和風澹蕩歸客落日殷勤早鶯灞上金樽
未飲讌歌已有餘聲

寧浦書事

秦觀

魚稻有如淮右溪山宛類江南自是遺臣多病非干
此地煙嵐

宋

清明日與范季實過胥澤民別墅

孫覲

兀兀三杯卯困昏昏一枕春融酒醒落花風裏夢回
啼鳥聲中

鉛山立春

朱文公

雪擁山腰洞口春迴楚尾吳頭欲問闕天何處明朝
嶺水南流

六言

陸游

廣平作梅花賦少陵無梅棠詩正自一時偶爾俗人
平地生疑

次韻與德明小友

薩都刺

詩宗

卷八

莫笑風飡水宿暫離馬足車塵兩岸好山送客一江
細雨歸人

水西道中

吳師道

鳴鳩林外桑密眠犢沙頭草添春水石橋紅杏夕陽
茅屋青帘

集王摩詰書語

張雨

寒犬吠聲如豹夜春相應疎鐘華子岡頭清月照人
獨坐山中

清明和歐陽山立

劉詵

江南二月三月野水一村兩邨花落人家寒食燕歸

山館黃昏

閑步

袁凱

半雨半晴天氣半開半落山花半醉半醒遊客半村
半郭人家

題水墨小景

王恭

白鷗門外孤艇黃葉山中一瓢惆悵青雲舊侶相思
不到漁樵

溫泉晚歸

楊慎

月似銀船勸酒星如玉彈圍棋幾杵林鐘敵後雨行
松火歸時

夏日邨居

于慎行

有竹有山有水空烟空雨空晴欲似浣花溪畔主人背郭堂成

於望亭至許市雜書所見

鄒迪光

邨鼓若遠若近山煙或淡或濃土沃可耕可鑿人安兼買兼農

詩宗已集卷十一

詩宗已集卷十二

絕句 七言三百七十首

夜望單飛鴈

簡文帝

天霜河白夜星稀一鴈聲嘶何處歸早知半路應相失不如從來本獨飛

春別

蕭子顯

銜悲攬涕別心知桃花李花任風吹本知人心不似樹何意人別似花離

挾瑟歌

魏 牧

春風宛轉入曲房兼送小苑百花香金鞍白馬去未

返紅妝玉筋下成行

鳳帽歌

煬帝

三月三日向江頭正見鯉魚波上浮意欲垂鉤往撩取恐是蛟龍還復休

送別

失名氏

楊柳青青著地垂楊花漫漫捲天飛柳條折盡花飛盡借問行人歸未歸

應詔嘲司花女

虞世南

煬帝幸江都人獻合蒂迎輦花帝令御車女袁寶兒持之號司花女時世南草詔寶兒注

唐

視帝曰寶兒多愁態注目於卿卿嘲之世南為詩

學畫鴉黃半未成垂肩鞞袖太愁生緣愁却得君王惜長把花枝傍輦行

送梁六

張說

巴陵一望洞庭秋日見孤峯水上浮聞道神仙不可接心隨湖水共悠悠

採蓮曲

賀知章

稽山罷霧鬱嵯峨鏡水無風也自波莫言春度芳菲盡別有中流採芰荷

詩宗

已集

二

回鄉偶書

少小離鄉老大回鄉音無改鬢毛衰兒童相見不相識笑問客從何處來

咏柳

碧玉裝成一樹高萬條垂下綠絲條不知細葉誰裁出二月春風似剪刀

涼州詞

蒲桃美酒夜光杯欲飲琵琶馬上催醉臥沙場君莫笑古來征戰幾人回

洛陽客舍逢祖詠留宴

蔡希寂

綿綿鐘漏洛陽城客舍貧居絕送迎逢君貰酒因成醉醉後焉知世上情

清平調詞

李白

雲想衣裳花想容春風拂檻露華濃若非羣玉山頭見會向瑤臺月下逢
一枝濃豔露凝香雲雨巫山在斷腸借問漢宮誰得似可憐飛燕倚新妝
名花傾國兩相歡長得君王帶笑看解釋春風無限恨沉香亭北倚闌干

長門怨

詩宗

天已集

天迴北斗掛西樓金屋無人螢火流月光欲到長門
殿別作深宮一段愁

少年行

五陵年少金市東銀鞍白馬度春風落花踏盡遊何
處笑入胡姬酒肆中
馬上誰家白面郎臨塔下馬坐人床不通姓字麤豪
甚指點銀瓶索酒嘗

橫江詞

橫江館前津吏迎向余東指海雲生郎今欲渡緣何
事如此風波不可行

蛾眉山月歌

蛾眉山月半輪秋影入平羌江水流夜發清溪向三
峽忠君不見下渝州

贈汪淪

李白乘舟將欲行忽聞岸上踏歌聲桃花潭水深千
尺不及汪淪送我情

黃鶴樓送孟浩然

故人西辭黃鶴樓煙花三月下揚州孤帆遠影碧空
盡惟見長江天際流

山中問答

詩宗

己集

問余何事棲碧山笑而不答心自閒
桃花流水杳然去別有天地非人間

洞庭湖

洞庭西望楚江分水盡南天不見雲
日落長沙秋色遠不知何處弔湘君

望廬山瀑布

日照香爐生紫烟遙看瀑布掛前川
飛流直下三千尺疑是銀河落九天

望天門山

天門中斷楚江開碧水東流至此迴
兩岸青山相對

出孤帆一片日邊來

早發白帝城

朝辭白帝採雲間千里江陵一日還
兩岸猿聲啼不住輕舟已過萬重山

與史郎中飲聽黃鶴樓上吹笛

一為遷客去長沙西望長安不見家
黃鶴樓中吹玉笛江城五月落梅花

秋下荆門

霜落荆門江樹空布帆無恙掛秋風
此行不為鱸魚膾自愛名山入剡中

蘇臺覽古

舊苑荒臺楊柳新
菱歌清唱不勝春
只今唯有西江月
曾照吳王宮裏人

陌上贈美人

駿馬驕行踏落花
垂鞭直拂五雲車
美人一笑褰珠箔
遙指紅樓是妾家

口號吳王美人半醉

風動荷花水殿香
姑蘇臺上見吳王
西施醉舞嬌無力
笑倚東窗白玉床

別內赴徵

出門妻子強牽衣
問我西行幾日歸
歸時倘佩黃金印
莫學蘇秦不下機

登廬山五老峯

廬山東南五老峯
青天削出金芙蓉
九江秀色可攬結
吾將此地巢雲松

對酒

兩人對酌山花開
一杯一杯復一杯
我醉欲眠君且去
明朝有意抱琴來

上皇西巡南京歌

九天開出一成都
萬戶千門入畫圖
草樹雲山如錦

繡秦川得及此間無

戲贈杜甫

飯顆山前逢杜甫頭戴笠子日卓午借問別來太瘦
生總爲從前作詩苦

明妃詞

儲光義

胡王知妾不勝悲樂府皆傳漢國辭朝來馬上箜篌
引稍似宮中間夜時
日暮驚沙亂雪飛傷人相勸易羅衣強來前殿看歌
舞共待單于夜獵歸

題茅山華陽洞

華陽洞口片雲飛細雨濛濛欲濕衣玉簫遍滿仙壇
上應是茅家兄弟歸

秋思

王維

宮連太液見滄波暑氣微秋意多一夜輕風蘋末
起露珠翻盡滿池荷

送別

送君南浦淚如絲君向東州使我悲爲報故人樵悴
盡如今不似洛陽時

少年行

新豐美酒斗十千咸陽遊俠多少年相逢意氣爲君

詩宗

卷八

飲繫馬高樓垂柳邊

九月九日憶山東兄弟

獨在異鄉為異客每逢佳節倍思親遙知兄弟登高處遍插茱萸少一人

與盧員外象過崔處士興宗林亭

綠樹重陰蓋四鄰青苔日厚自無塵科頭箕踞長松下白眼看他世上人

送元二使安西

渭城朝雨浥輕塵客舍青青柳色新勸君更進一杯酒西出陽關無故人

春宮曲

王昌齡

昨夜風開露井桃未央前殿月輪高平陽歌舞新承寵簾外春寒賜錦袍

西宮春怨

西宮夜靜百花香欲捲珠簾春恨長斜抱雲和深見月朧朧樹色隱昭陽

長信秋詞

金井梧桐秋葉黃珠簾不捲夜來霜薰籠玉枕無顏色臥聽南宮清漏長

奉帚平明金殿開且將團扇暫徘徊玉顏不及寒鴉

詩宗

八

八

言字
不巳集
色猶帶昭陽日影來

閨怨

閨中少婦不曾愁
春日凝妝上翠樓
忽見陌頭楊柳色
悔教夫婿覓封侯

從軍行

青海長雲暗雪山
孤城遙望玉門關
黃沙百戰穿金甲
不破樓蘭終不還
秦時明月漢時關
萬里長征人未還
但使龍城飛將在
不教胡馬度陰山
大漠風塵日色昏
紅旗半捲出轅門
前軍夜戰洮河

北已報生擒吐谷渾

觀獵

角鷹初下秋草稀
鐵驄拋鞚去如飛
少年獵得平原兔
馬上橫鞘意氣歸

芙蓉樓送辛漸

寒雨連江夜入吳
平明送客楚山孤
洛陽親友如相問
一片冰心在玉壺

采蓮曲

荷葉羅裙一色裁
芙蓉向臉兩邊開
亂入池中看不見
聞歌始覺有人來

蕭駙馬花燭

青鸞飛入合歡宮紫鳳銜花出禁中可憐今夜千門裏銀漢星回一道通

涼州詞

王之渙

黃河遠上白雲間一片孤城萬仞山羌笛何須怨楊柳春光不度玉門關

少年行

吳象之

承恩借獵小平津使氣常遊中貴人一擲千金渾是膽家無四壁不知貧

春思

賈至

草色青青柳色黃桃花歷亂李花香東風不為吹愁去春日偏能惹恨長

紅粉當壚弱柳垂金花臘酒解醱醑笙歌日暮能畱客醉殺長安輕薄兒

至巴陵與李白同汎洞庭湖

楓岸紛紛落葉多洞庭秋水晚來波乘興輕舟無近遠白雲明月弔湘娥

送李侍郎赴常州

雪晴雲散北風寒楚水吳山道路難今日送君須盡醉明朝相憶路漫漫

詩宗

八

除夜作

高適

旅館寒燈獨不眠
客心何事轉悽然
故鄉今夜思千里
愁鬢明朝又一年

塞上聽吹笛

雪淨胡天牧馬還
月明羌笛戍樓間
借問梅花何處落
風吹一夜滿關山

封大夫破播仙凱歌

岑參

日落轅門鼓角鳴
千羣面縛出蕃城
洗兵魚海雲迎陣
秣馬龍堆月照營

苜蓿峯寄家人

苜蓿峯邊逢立春
胡蘆河上淚沾巾
閨中只是空相憶
不見沙場愁殺人

玉關寄長安主簿

東去長安萬里餘
故人那惜一行書
玉關西望腸堪斷
况復明朝是歲除

逢入京使

故園東望路漫漫
雙袖龍鍾淚不乾
馬上相逢無紙筆
憑君傳語報平安

虢州後亭送李判官使赴晉絳

西原驛路掛城頭
客散江亭雨未休
君去試看汾水

詩宗

卷集

十一

上白雲猶似漢時秋

春夢

洞房昨夜春風起遙憶美人湘江水枕上片時春夢
中行盡江南數千里

酒泉太守席上醉後作

酒泉太守能劔舞高堂置酒夜擊鼓胡笳一曲斷人
腸坐客相看淚如雨

題長安主人壁

張謂

世人結交須黃金黃金不多交不淡縱令然諾暫相
許終是悠悠行路心

漫興

杜甫

懶漫無堪不出門呼兒自在掩柴門蒼苔濁酒林中
靜碧水春風野外昏
糝暹楊花鋪白氈點溪荷葉墨青錢竹根稚子無人
見沙上鳧雛傍母眠

贈花卿

錦城絲管日紛紛半入江風半入雲此曲祇應天上
有人間能得幾回聞

戲爲絕句

楊王盧駱當時體輕薄爲文哂未休爾曹自與名俱

詩宗

八
已集

詩宗 不巳集
滅不廢江河萬古流

江畔獨步尋花

黃四娘家花滿蹊，千朵萬朵壓枝啼。
留連戲蝶時時舞，自在嬌鶯恰恰啼。

夔州歌

蜀麻吳鹽自古通，萬斛之舟行若風。
長年三老長歌裏，白晝攤錢高浪中。

聞鸚鵡語賦詩

失名氏

玄宗宮中養鸚鵡，數百一日問曰：「忠鄉否？」對曰：「忠鄉。」遂遣中貴送還山中。後有使臣

過隴山鸚鵡問曰：「上皇安否？」使臣曰：「上皇崩矣。」鸚鵡聞之，皆悲鳴不已。使臣賦詩

隴口山深草木荒，行人到此斷肝腸。
耳邊不忍聽鸚鵡，猶在枝頭說上皇。

塞下曲

常建

北海陰風動地來，明君祠上望龍堆。
髑髏皆是長城卒，日暮沙場飛作灰。

江南行

張潮

茨菰葉爛別西灣，蓮子花開猶未還。
妾夢不離江上水，人傳郎在鳳凰山。

詩宗

不巳集

重送裴郎中貶吉州

劉長卿

猿啼客散暮江頭，人自傷心水自流。
同作逐臣君更遠，青山萬里一孤舟。

過鄭山人所居

寂寂孤鶯啼杏園，寥寥一犬吠桃源。
落花芳草無尋處，萬壑千峯獨閉門。

尋盛禪師蘭若

秋草黃花覆古阡，隔林何處起人烟。
山僧獨在山中老，惟有寒松見少年。

贈崔九

憐君一見一悲歌，歲歲無如老去何。
白屋漸看秋草沒，青雲莫道故人多。

酬李穆見寄

孤舟相訪至天涯，萬轉雲山路更賒。
欲掃柴門迎遠客，青苔黃葉滿貧家。

登樓寄王卿

韋應物

踏閣攀林恨不同，楚雲滄海思無窮。
數家砧杵秋山下，一郡荆榛寒雨中。

江縣內閒居贈溫公

滿郭春風嵐已昏，鴉栖吏散掩重門。
雖居世網常清

詩宗

卷八

詩宗
卷之八
淨夜對高僧無一言

答東林道士

紫閣西邊第幾峯
茅齋夜雪虎行蹤
遙看黛色知何處
欲出山門尋暮鐘

滁州西湖

獨憐幽草澗邊生
上有黃鸝淡樹鳴
春潮帶雨晚來急
野渡無人舟自橫

閒居寄諸弟

秋草生庭白露時
故園諸弟益相思
盡日高齋無一事
芭蕉葉上獨題詩

休暇日訪王侍御不遇

九日驅馳一日閑
尋君不遇又空還
怪來詩思清人骨
門對寒流雪滿山

歸鴈

錢起

瀟湘何事等閒回
水碧沙明兩岸苔
二十五絃彈夜月
不勝清怨却飛來

暮春歸故山草堂

谷口春殘黃鳥稀
辛夷花盡杏花飛
始憐幽竹山牕下
不改清陰待我歸

晚過橫灞寄張藍田

詩宗

卷之八

亂水東流落照時
黃花滿徑客行遲
林端忽見南山
色馬上還吟陶令詩

送麴司直

郎士元

曙雪蒼蒼兼曙雲
朔風燕鴈不堪聞
貧交此別無他
贈唯有青山遠送君

聽隣家吹笙

鳳吹聲如隔綵霞
不知牆外是誰家
重門淡鎖無尋
處唯有碧桃千樹花

柏林寺

谿上遙聞精舍鐘
泊舟微徑度溪松
青山霽後雲猶

在畫出東南四五峯

寒食

韓翃

春城無處不飛花
寒食東風御柳斜
日暮漢宮傳蠟
燭青煙散入五侯家

贈張千牛

蓬萊闕下是天家
上路新迴白鼻騮
急管畫催平樂
酒春衣夜宿杜陵花

春怨

劉方平

紗窗日落漸黃昏
金屋無人見淚痕
寂寞空庭春欲
晚梨花滿地不開門

詩宗

八
集

詩集
卷之八
夜月

夏深月色半人家北斗闌干南斗斜今夜偏知春氣暖
蟲聲新透綠窻紗

再過金陵

包信

玉樹歌殘王氣收鴈行高送石城秋江山不管興亡
事一任斜陽伴客愁

答韋丹

釋靈澈

年老心閒無外事麻衣草座亦容身相逢盡道休官
去林下何曾見一人

山居

盧綸

登登山路何時盡淅淅谿流到處聞風動葉聲山犬
吠幾家松火隔秋雲

山中

饑拾松花渴飲泉偶從山後到山前陽坡軟草厚如
織困與鹿麕相伴眠

長信宮

李端

金壺漏盡禁門開飛燕昭陽侍寢迴隨分獨眠秋殿
裏遙聞語笑白天來

江村即事

司空曙

罷釣歸來不繫船江村月落正堪眠縱然一夜風吹

詩集

卷之八

去只在蘆花淺水邊

楓橋夜泊

張繼

月落烏啼霜滿天江楓漁火對愁眠姑蘇城外寒山寺夜半鐘聲到客船

宮詞

顧況

玉樓天半起笙歌風送宮嬪笑語和月殿影開聞夜漏水晶簾捲近秋河

宿昭應

武帝祈靈太乙壇新豐樹色遶千官那知今夜長生殿獨閉空山月影寒

古詞

衛象

鵲血調弓濕未乾鸞鵲新淬劍光寒遼東老將鬢成雪猶向旄頭夜夜看

宮詞

長孫翺

一道甘泉接御溝上皇行處不曾秋誰言水是無情物也到宮前咽不流

塞下曲

戎昱

漢將歸來虜塞空旌旂初下玉關東高蹄戰馬三千疋落日平原秋草中

旅次寄湖南張郎中

詩宗

已集

十八

言定
寒江近戶漫流聲竹影當窻亂月明歸夢不知湖水
闌夜來還到洛陽城

移家別湖上亭

好是春風湖上亭柳條藤蔓繫離情黃鸝久住渾相
識欲別頻啼四五聲

寄許鍊師

掃石焚香禮碧空露華偏濕蕊珠宮如何說得天壇
上萬里無雲月正中

宮怨

李益

露溼晴花春殿香月明歌吹在昭陽似將海水添宮

漏共滴長門一夜長

春夜聞笛

寒山吹笛喚春歸遷客相看淚滿衣洞庭一夜無窮
鴈不待天明盡北飛

夜上受降城聞笛

回樂峯前沙似雪受降城外月如霜不知何處吹蘆
管一夜征人盡望鄉

從軍北征

天山雪後海風寒橫笛偏吹行路難磧裏征人三十
萬一時回首月中看

詩宗

大邑集

襄陽寒食寄宇文籍

于鵠

煙水初銷見萬家東風吹柳萬條斜大堤欲上誰相
伴馬踏春泥半是花

題潘師房

劉商

渡水傍山尋絕壁白雲飛處洞門開仙人來往行無
跡石徑春風長綠苔

合谿送王永歸東郭

君去春山誰共遊鳥啼花落水空流如今送別臨溪
水他日相思來水頭

別友人

長孫佐輔

愁多不忍醒時別愁極還尋靜處行誰遣同衾又分
手不如行路本無情

尋山家

獨訪山家歇還涉茅屋斜連隔松葉主人聞語未開
門遶籬野菜飛黃蝶

湘南即事

戴叔倫

盧橘花開楓葉衰出門何處望京師沅湘日夜東流
去不為愁人住少時

夜發袁江寄李穎川劉侍郎

半夜回舟入楚鄉月明山水共蒼蒼孤猿更叫秋風

裏不是愁人亦斷腸

宿灌陽灘

十月江邊蘆葉飛灌陽灘冷上舟遲今朝未遇高風
便還與沙鷗宿水湄

邨莊桃花

崔護

護遊都城南得邨居叩門有女子獨倚小桃
柯屬意殊厚來歲往尋門庭如故而戶扃因
題詩其左扉後女父知其事以女歸之

去年今日此門中人面桃花相映紅人面祇今何處
在桃花依舊笑春風

塞下曲

張仲素

三戍漁陽再渡遼駢弓在臂箭橫腰匈奴似欲知名
姓休傷陰山夏射鵰

宮人斜

雍裕之

又曰內人斜葬宮人處在咸陽舊牆外長三
里

幾多紅粉委黃泥野鳥如歌復似啼應有春魂化爲
燕年年飛入未央樓

寓懷寄王翰林

竇庠

滿地霜蕪葉下枝幾回吟斷四愁詩漢家若欲論封

禪須及相如未病時

洛中即事

竇鞏

高梧葉盡鳥巢空
洛水潺潺夕照中
寂寂天橋車馬
絕寒鴉飛入上陽宮

南遊感興

傷心欲問前朝事
惟見江流去不回
日暮東風春草
綠鷓鴣飛上越王臺

訪隱者不遇

籬外涓涓澗水流
槿花半照夕陽收
欲題名字知相
訪又恐芭蕉不耐秋

少年行

令狐楚

少小邊州慣放狂
驕騎蕃馬射黃羊
如今年老無筋
力獨倚營門數鴈行

阿嬌怨

劉禹錫

望見葳蕤舉翠華
試開金屋掃庭花
須臾宮女傳來
信言幸平陽公主家

采桑婦

為報躊躇陌上郎
蠶飢日晚妾心忙
本來若愛黃金
好不必攜籠更采桑

堤上行

詩宗

八已集

江南江北望煙波入夜行人相應歌桃葉傳情竹枝
怨水流無限月明多

聽舊宮人穆氏唱歌

曾隨織女渡天河記得雲間第一歌休唱貞元供奉
曲當時朝士已無多

石頭城

山圍故國周遭在潮打空城寂寞回淮水東邊舊時
月夜淡還過女牆來

臺城

臺城六代競豪華結綺臨春事最奢萬戶千門成野

草只緣一曲後庭花

烏衣巷

朱雀橋邊野草花烏衣巷口夕陽斜舊時王謝堂前
燕飛入尋常百姓家

竹枝詞

瞿塘嘈嘈十二灘此中道路古來難長恨人心不如
水等閒平地起波瀾

楊柳青青江水平聞郎江上唱歌聲東邊日出西邊
雨道是無晴也有晴

楊柳枝詞

詩宗

白居易

煬帝行宮汴水濱
數株殘柳不勝春
晚來風吹花如雪
飛入宮牆不見人

春詞

新妝粉面下朱樓
淡鎖春光一院愁
行到中庭數花朵
蜻蜓飛上玉搔頭

自朗州至京戲贈看花諸君子

禹錫坐王叔文黨貶司馬
後宰相憐其才名
至京師見新貴滿朝
作此時論以爲輕薄又

黜

紫陌紅塵拂面來
無人不道看花回
玄都觀裏桃千

樹盡是劉郎去後栽

再遊玄都觀

禹錫自朗州名還玄都觀
道士種桃千樹灼
灼如紅霞因賦看花詩
譏諷再黜後十年名
還重遊賦此

百畝庭中半是苔
桃花淨盡菜花開
種桃道士歸何處
前度劉郎今又來

湘江夜汎

熊孺登

江流如箭月如弓
行盡三湘數夜中
無奈子規啼向蜀
一聲聲似怨春風

詩宗

六一集

詩集
柳州二月榕葉盡落偶題
柳宗元
宦情羈思共悽悽春半如秋意轉迷山城過雨百花
盡榕葉滿庭鶯亂啼

夏晝偶作

南州溽暑醉如酒隱几熟眠開北牖日午獨覺無餘
聲山童隔竹敲茶臼

與浩初上人同看山寄京華親舊

海畔炎山似劔鉞秋來處處割愁腸若為化作身千
億散上峯頭望故鄉

題楚昭王廟

韓愈

丘墳滿目衣冠盡城闕連雲草樹荒猶有國人懷舊
德一間茅屋祭昭王

早春呈水部張十八員外

天街小雨潤如酥草色遙看近却無最是一年春好
處絕勝花柳滿皇都

哭花

曾愁香結破顏遲今見妖紅委地時若是有情爭不
哭夜來風雨葬西施

過華清宮

李約

君王遊樂萬機輕一曲霓裳四海兵玉輦昇天人已

詩宗

八已集

盡故宮惟有樹長生

祈雨

桑條無葉土生煙
簫鼓迎龍水廟前
朱門幾處看歌舞
猶恐春陰咽管絃

過襄陽上于司空頌

李涉

方城漢水舊城池
陵谷依然世自移
歌馬獨來尋故事
逢人惟說峴山碑

從秦城回再題武關

遠別秦城萬里遊
亂山高下入商州
關門不鎖秦城水
一夜潺湲送客愁

開元寺

宿雨初收草木濃
羣鴉飛散下堂鐘
長廊無事僧歸院
盡日門前獨看松

題鶴林寺

終日昏昏醉夢間
忽聞春盡強登山
因過竹院逢僧話
又得浮生半日閒

春晚遊鶴林寺

野寺尋花春已遲
背巖唯有兩三枝
明朝携酒猶堪賞
爲報春風且莫吹

登科後

孟郊

詩宗

已集

二六

言完
六已集
昔日齷齪不足誇今朝放蕩思無涯春風得意馬蹄疾一日看徧長安花

宮詞

張籍

新鷹初放兔猶肥白日君王在內稀薄暮子門臨欲鎖紅妝飛騎向前歸

涼州詞

邊城暮雨鴈飛低蘆筍初生漸欲齊無數鈴聲搖過磧應馱白練到安西

秋思

洛陽城裏見秋風欲作家書意萬重復恐匆匆說不

盡行人臨發又開封

送蜀客

蜀客南行聽碧雞木綿花發錦江西山橋日晚行人少時見猩猩樹上啼

畫松

畫松一似真松樹且待尋思記得無曾在天台山上見石橋南畔第三株

鄰婦哭征夫

雙鬢初合便分離萬里征夫不得隨今日軍回身獨死去時鞍馬別人騎

哭孟寂

曲江院裏題名處十九人中最少年今日春光君不見杏花零落寺門前

宮詞

王建

金殿當頭紫閣重仙人掌上玉芙蓉太平天子朝元日五色雲中駕六龍
蓬萊正殿壓雲鰲紅日初生碧海濤開著五門遙北望赭黃新帕御牀高
籠煙紫氣日曛曛宣政門開玉殿風五刻閣前卿相出下簾聲在半天中

避暑昭陽不擲盧井邊含水噴鴉雛內中數日無呼喚搦得滕王蛺蝶圖

金吾除夜進儺名畫袴朱衣四隊行院院燒燈如白日沉香火底坐吹笙

太儀前日暖房來囑向昭儀乞藥栽勅賜一窠紅躑躅謝恩未了奏花開

延英引對碧衣郎江硯宣毫各別床天子下簾親考試宮人手裏過茶湯

新秋白兔大於拳紅耳霜毛趁草眠天子不教人射殺玉鞭遮到馬蹄前

詩宗

王建

二八

羅衫葉葉繡重重金鳳銀鵝各一叢每遍舞時分兩
面太平萬歲字當中
樹頭樹底覓殘紅一片西飛一片東自是桃花貪結
子錯教人恨五更風
黃金合裏盛紅霞重結香羅四出花一一傍邊書勅
字中官送與大臣家
悶來無處可思量旋下金階旋憶妝收得山丹紅蕊
粉鏡前洗却麝香黃

華清宮

酒幔高樓一百家宮前楊柳寺前花內園分得溫湯

水二月中旬已進瓜

綺繡宮

玉樓傾側粉牆空重疊青山繞故宮武帝去來紅袖
盡野花黃蝶領春風

江陵使至汝州

回看巴路在雲間寒食離家麥熟還日暮數峯青似
染商人說是汝州山

十五夜望月

中庭地白樹棲鴉冷露無聲溼桂花今夜月明人盡
望不知秋思屬誰家

言
卷
春詞

良人朝早半夜起櫻桃如珠露如水下堂把火送郎
回移枕重眠曉窓裏

野池

野池水滿連秋隄菱花結實蒲葉齊川口雨晴風復
止蜻蜓上下魚東西

竹枝詞

白居易

瞿塘峽口冷煙低白帝城頭月向西唱到竹枝聲咽
處寒猿晴鳥一時啼

採蓮曲

菱葉繁波荷颭風荷花淡處小船通逢郎欲語低頭
笑碧玉搔頭落水中

惜落花贈崔二十四

漠漠紛紛不奈何狂風急雨兩相和晚來悵望君知
否枝上稀疏地上多

看採菱

菱池如鏡淨無波白點花稀青角多時唱一聲新水
調謾人道是採菱歌

王昭君

滿面胡沙滿鬢風眉銷殘黛臉銷紅愁苦辛勤憔悴

盡如今却似畫圖中

憶事

元稹

夜淡閒到戟門邊却遠行廊又獨眠
明月滿庭池水綠桐花垂在繡簾前

聞白樂天左降江州司馬

殘燈無焰影幢幢此夕聞君謫九江
垂死病中驚坐起暗風吹雨入寒窓

菊花

秋藜遶舍似陶家遍繞籬邊日漸斜
不是花中偏愛菊此花開盡更無花

逢鄭三遊山

盧仝

相逢之處花茸茸峭壁攢峯千萬重
他日期君何處好寒流石上一株松

宮詞

王涯

曈曈日出大明宮天樂遙聞在碧空
禁樹無風正和暖玉樓金殿曉光中
春來新插翠雲釵尚著雲頭踏殿鞋
欲得君王回一顧爭扶玉輦下金階
銀餅瀉水欲朝妝燭焰紅高粉壁光
共怪滿身珠翠冷黃花瓦上有新霜

詩宗

元稹

三一

白雪獨兒拂地行慣眠紅毯不曾經淡宮更有何人
到只繞金堦吹晚螢

集靈臺

張祐

虢國夫人承主恩平明騎馬入金門却嫌脂粉汚顏
色淡掃蛾眉朝至尊

贈內人

禁門宮樹月痕過媚眼惟看宿燕窠斜拔玉釵燈影
畔剔開紅焰救飛蛾

泰山寺

寒色蒼蒼老柏風石苔清滑露光融半夜四山鐘磬

盡水精宮殿月玲瓏

宮中詞

朱慶餘

寂寂花時閉院門美人相並立瓊軒含情欲說宮中
事鸚鵡前頭不敢言

春詞

施肩吾

黃鳥啼多春日高紅芳開盡井邊桃美人手暖裁衣
易片片輕雲落剪刀

古樹

徐凝

古樹敲斜臨古道枝不生花腹生草行人不見樹少
時樹見行人幾番老

詩宗

卷之三

三月晦日贈劉評事

賈島

三月正當三十日風光別我苦吟身共君今夜不須
睡未到曉鐘猶是春

渡桑乾

客舍并州已十霜歸心日夜憶咸陽無端更渡桑乾
水却望并州是故鄉

題隱者居

陳羽

雖有柴門常不關片雲孤木伴身閒猶嫌住久人知
處見擬移家更上山

邊將

姚合

將軍作鎮古汧州水膩山春節氣柔清夜滿城絃管
沸行人不信是邊頭

瑤池

李商隱

瑤池阿母綺窓開黃竹歌聲動地哀八駿日行三萬
里穆王何事不重來

龍池

龍池賜酒敞雲屏羯鼓聲高衆樂停夜半宴歸宮漏
永薛王沉醉壽王醒

賈生

宣室求賢訪逐臣賈生才調更無倫可憐夜半虛前

詩宗 白居易
席不問蒼生問鬼神

夜雨寄北

君問歸期未有期
巴山夜雨漲秋池
何當共翦西窗燭
却話巴山夜雨時

宿駱氏亭寄懷崔雍

竹塢無塵水檻清
相思迢遞隔重城
秋陰不散霜飛晚
畱得枯荷聽雨聲

訪隱者不遇

城郭休過識者稀
哀猿啼處有柴扉
滄江白石漁樵路
日暮歸來雨滿衣

憶匡一師

無事經年別遠公
帝城鍾曉憶西峯
爐煙銷盡寒燈暗
童子開門雪滿松

嫦娥

雲母屏風燭影淡
長河漸落曉星沉
嫦娥應悔偷靈藥
碧海青天夜夜心

絕句

珠箔輕明拂玉墀
披香新殿鬪腰肢
不須看盡魚龍戲
終遣君王怒偃師

夜半

詩宗

白居易

言定
三夏三點萬家眠露欲為霜月壓煙鬪鼠上床蝙蝠
出玉琴時動倚牕絃

花下醉

尋芳不覺醉流霞倚樹沈眠日已斜客散酒醒淡夜
後更持紅燭賞殘花

齊宮詞

承壽兵來夜不扃金蓮無復印中庭梁臺歌管三夏
罷猶自風搖九子鈴

槿花

風露淒淒秋景繁可憐榮落在朝昏未央宮裏三千

女但保紅顏莫保恩

赤壁

杜牧

折戟沈沙鐵未銷自將磨洗認前朝東風不與周郎
便銅雀春深鎖二喬

宮怨

監宮引出暫開門隨例雖朝不是恩銀鑰却收金鎖
合月明花落又黃昏

秋夕

銀燭秋光冷畫屏輕羅小扇撲流螢天階夜色涼如
水臥看牽牛織女星

詩宗

不
三

泊秦淮

烟籠寒水月籠沙
夜泊秦淮近酒家
商女不知亡國恨
隔江猶唱後庭花

登樂遊原

長空澹澹孤鳥沒
萬古消魂向此中
看取漢家何事業
五陵無樹起秋風

金谷園

繁華事散逐香塵
流水無情草自春
日暮東風怨啼鳥
落花猶似墮樓人

江南春

千里鶯啼綠映紅
水村山郭酒旗風
南朝四百八十寺
多少樓臺煙雨中

山行

遠上寒山石徑斜
白雲深處有人家
停車坐愛楓林晚
霜葉紅於二月花

寄揚州韓綽判官

青山隱隱水迢迢
秋盡江南草木凋
二十四橋明月夜
玉人何處教吹簫

送隱者

無媒逕路草蕭蕭
自古雲林遠市朝
公道世間唯白

言
髮貴人頭上不曾饒

過華清宮

長安回望繡成堆
山頂千門次第開
一騎紅塵妃子笑
無人知是荔枝來

歎花

牧遊湖州見里姥引一女十餘歲真國色也
牧曰吾十年後爲刺史若不來卽從他適因
以重幣結之後十四年至郡其女已從人生
二子牧作詩云云

自恨尋芳已太遲
昔年曾見未開時
如今風擺花狼

藉綠葉成陰子滿枝

題烏江亭

勝敗兵家事不期
包羞忍恥是男兒
江東子弟多才俊
卷土重來未可知

放猿

吉師老

放爾千山萬水身
白雲紅樹好爲隣
啼時莫近瀟湘岸
明月孤舟有旅人

途經秦始皇墓

許渾

龍盤虎踞樹層層
勢入浮雲亦是崩
一種青山秋草裏
路人唯拜漢文陵

詩宗

天巴集

緱山廟

王子求仙月滿臺玉簫清轉鶴徘徊曲終飛去不知處山下碧桃春自開

客有卜居不遂薄遊汧隴因題

海燕西飛白日斜天門遙望五侯家樓臺淡鎖無人到落盡東風第一花

謝亭送別

勞歌一曲解行舟紅葉青山水急流日暮酒醒人已遠滿天風雨下西樓

天台寺新題

絕頂新秋生夜涼鶴翻松露滴衣裳前峯月照半江水僧在翠微開竹房

和孫明府懷舊山

雍陶

五柳先生本在山偶然為客落人間秋來見月多歸思自起開籠放白鷗

宿嘉陵驛樓

離思茫茫正值秋每因風景却生愁今宵難作刀州夢月色江聲共一樓

城西訪友人

澧水橋邊小路斜日高猶未到君家村原門巷多相

似處處春風枳殼花

悲老宮人

劉得仁

白髮宮娃未解悲滿頭猶自插花枝曾緣玉貌君王
寵准擬人看似舊時

長信宮

孟遲

君恩已盡欲何歸猶有殘香在舞衣自恨身輕不如
燕春來還繞御簾飛

贈項斯

楊敬之

幾度見詩詩總好及觀標格勝於詩平生不解藏人
善到處逢人說項斯

隴西行

陳陶

誓掃匈奴不顧身五千貂錦喪胡塵可憐無定河邊
骨猶是春閨夢裏人

閒居雜興

一顧成周力有餘白雲閑釣五谿魚中原莫道無麟
鳳自是皇家結網疎

折楊柳枝詞

段成式

枝枝交影鎖長門嫩色曾霑雨露恩鳳輦不來春欲
盡空畱鶯語到黃昏

瑤瑟怨

溫庭筠

詩宗

不巴集

冰簟銀床夢不成碧天如水夜雲輕鴈聲遠過瀟湘
去十二樓中月自明

渭上題

呂公榮達子陵歸萬古煙波繞釣磯橋上一通名利
跡至今江島昔人飛

經故袁學士居

劍逐輕波玉委塵謝安門下更何人西州城外花千
樹盡是羊曇醉後春

宿疎陂驛

王周

秋染棠梨葉半紅荊州東望草平空誰知孤臣天涯

意微雨蕭蕭古驛中

暮春滄水送別

韓琮

綠暗紅稀出鳳城暮雲宮闕古今情行人莫聽宮前
水流盡年光是此聲

紫極宮齋後

李羣玉

紫府空歌碧落寒晚星寥亮月光殘一羣白鶴高飛
散惟有松風掃石壇

宮怨

司馬禮

柳色參差掩畫樓曉鶯啼送滿宮愁年年花落無人
見空逐春泉出御溝

哭具韜

杜荀鶴

親朋來哭我來歌喜傍青山葬薜蘿四海十年人殺盡似君埋少不埋多

旅懷

月華星彩坐來收嶽色江聲暗結愁半夜燈前十年事一時和雨到心頭

雨過山邨

章孝標

雨裏雞鳴一兩家竹谿村路板橋斜婦姑相喚浴蠶去閒看中庭梔子花

過洞庭

呂巖

朝遊北海暮蒼梧袖裏青蛇膽氣麤三入岳陽人不識朗吟飛過洞庭湖

失題

醉舞高歌海上山天飄仙露結金丹夜淡鶴透秋空碧萬里西風一劍寒

牧童

草鋪橫野六七里笛弄晚風三四聲歸來飽飯黃昏後不脫蓑衣臥月明

早秋宿田舍

曹鄴

澗草疎疎螢火光山月朗朗風樹長南村犢子夜聲

急應是欄邊新有霜

仲山

唐彥謙

漢高祖兄劉仲葬於此

千載遺蹤寄薜蘿沛中鄉里漢山河長陵亦是閒丘
隴異日誰知與仲多

訪隱者不遇

高駢

落花流水認天台半醉閒吟獨自來惆悵仙翁何處
去滿庭紅杏碧桃開

步虛詞

清溪道士人不識上天下天鶴一隻洞門淡鎖碧窓

寒瀉露研朱點周易

山亭夏日

綠樹陰濃夏日長樓臺倒影入池塘水精簾動微風
起滿架薔薇一院香

華清宮

崔魯

草遮回磴絕鳴鑿雲樹淡淡碧殿寒明月自來還自
去更無人倚玉闌干

門橫金鎖悄無人落日秋聲渭水濱紅葉下山寒寂
寂濕雲如夢雨如塵

焚書坑

章碣

詩宗

不巴集

言宗 八已集
竹帛煙銷帝業虛關河空鎖祖龍居坑灰未冷山東
亂劉項元來不讀書

淮上別故人

鄭谷

楊子江頭楊柳春楊花愁殺渡江人數聲風笛離亭
晚君向瀟湘我向秦

贈日本鑿禪師

故國無心渡海潮老禪方丈倚中條夜溪雨絕松堂
靜一點山螢照寂寥

十日菊

節去蜂愁蝶不知曉庭還繞折殘枝自緣今日人心

別未必寒香一夜衰

苔錢

春紅秋紫遠池臺箇箇圓如濟世財雨後無端滿窮
巷買花不得買愁來

已亥歲

曹松

澤國江山入戰圖生民何計樂樵蘇憑君莫話封侯
事一將功成萬骨枯

宮詞

韓偓

繡屏斜立正銷魂侍女移燈掩殿門燕子不歸花著
雨春風應自怨黃昏

詩宗

八已集

社日

王駕

鵝湖山下稻梁肥，豚柵雞栖半掩扉。
桑柘影斜春社散，家家扶得醉人歸。

古意

夫戍蕭關妾在吳，西風吹妾妾憂夫。
一行書信千行淚，寒到君邊衣到無。

晴景

雨前初見花間葉，雨後兼無葉底花。
蛺蝶飛來過牆去，却疑春色在鄰家。

春愁

韋莊

自有春愁正斷魂，不堪芳草思王孫。
落花寂寂黃昏雨，淡院無人獨倚門。

殘花

江頭沉醉落殘暉，却向花前慟哭歸。
惆悵一年春又去，碧雲芳草兩依依。

金陵圖

江雨霏霏江草齊，六朝如夢鳥空啼。
無情最是臺城柳，依舊煙籠十里堤。

晏起

張翥

爾來中酒起常遲，臥看南山改舊詩。
開戶日高春寂寂

寂數聲啼鳥上花枝

柳

裴說

高拂危樓低拂塵
灞橋攀折一何頻
思量却是無情樹
不解迎人只送人

題汶川邨居

滕白

種茶巖接紅霞塢
灌稻泉生白石根
膳腹老翁眉似雪
海棠花下戲兒孫

竹枝詞

孫光憲

門前春水白蘋花
岸上無人小艇斜
商女經過江欲暮
散拋殘食飼神鴉

宿深邨

李九齡

行行一宿深村裏
雞犬豐年鬧如市
黃昏見客合家喜
月下取魚岸塘水

長門怨

裴交泰

自閉長門經幾秋
羅衣濕盡淚還流
一種蛾眉明月夜
南宮歌管北宮愁

邊庭四時怨

盧綸

朔風吹雪透刀瘢
飲馬長城窟更寒
半夜火來知有敵
一時齊保賀蘭山

喜韓少府見訪

胡生

言
六已集
忽聞梅福來相訪
紫萼荷衣出草堂
兒童不慣見車馬
爭入蘆花深處藏

觀小兒垂釣

蓬頭稚子學垂釣
側坐莓苔草映身
路人借問遙招手
恐畏魚驚不應人

胡笳曲

失名氏

月明星稀霜滿野
氍毹車夜宿陰山下
漢家自失李將軍
單于公然來牧馬

如意曲

武后

看朱成碧息紛紛
惟悴支離爲憶君
不信比來長下

淚開箱驗取石榴裙

贈張雲容舞

楊貴妃

羅袖動香香不已
紅蕖裊裊秋烟裏
輕雲嶺上乍搖風
嫩柳池邊初拂水

上陽宮作

梅妃

明皇侍女江采蘋
善屬文性喜梅
故名梅妃
後爲太真奪寵遷於上陽宮
帝念之封珍珠一斛密賜妃
妃不受以詩付使者

桂葉雙眉久不描
殘妝和淚濕紅綃
長門盡日無梳洗
何必珍珠慰寂寥

詩綜

六已集

宮詞

花藥夫人

內廚進食簇時新侍坐無非列近臣日午殿頭宣索
膾隔簾催喚打魚人

春風一面曉妝成偷折花枝傍水行却被內官遙覩
見故將紅豆打黃鶯

贈盧郎

盧象妻

不怨盧郎年紀大不怨盧郎官職卑自恨妾身生較
晚不及盧郎年少時

雨中看花詩

竇梁實

東風未放曉泥乾紅紫花開不耐寒待得天晴花已

老不如攜手雨中看

燕子樓詩

關盼盼

張建封節制徐州納盼盼於燕子樓張死誓
不他適作燕子樓詩

樓上殘燈伴曉霜獨眠人起合歡床相思一夜情多
少地角天涯未是長

絕張生

崔鶯鶯

自從銷瘦減容光萬轉千回懶下床不為傷人羞不
起為郎憔悴却羞郎

長門怨

劉瑗

雨滴梧桐秋夜長
愁心和雨到昭陽
淚痕不與君恩斷
拭却千行更萬行

漫吟

姚月華

庭槐風靜午陰多
睡起西窗日影過
自笑老來無復夢
坐看庭蟻上南柯

舍田調

王禹偁

穀聲獵獵酒醺醺
所上高山入亂雲
自種自收還自足
不知堯舜是吾君

初晴遊滄浪亭

蘇舜欽

夜雨連明春水生
嬌雲濃暖弄微晴
簾虛日薄花竹

靜時有乳鳩相對鳴

自作壽堂因書一絕以誌之

林逋

湖上青山對結廬
墳前脩竹亦蕭疎
茂陵他日求遺稿
猶喜曾無封禪書

夜直

王安石

金爐香燼漏聲殘
剪剪輕風陣陣寒
春色惱人眠不得
月移花影上欄干

初夏即事

石梁茅屋有灣碕
流水澆澆度兩陂
晴日暖風生麥氣
綠陰幽草勝花時

太顛堂

周濂溪

退之自謂如夫子原道淡排釋老非不識太顛何似
者數書珍重愛留衣

春日偶成

程明道

雲淡風輕近午天訪花隨柳過前川
傷人不識余心樂將謂偷閒學少年

暮春吟

邵康節

林下居常睡起遲那堪車馬近來稀
春深晝永簾垂地庭院無風花自飛

逍遙臺

蘇軾

常怪劉伶死便埋豈伊忘死未忘骸
烏鳶奪得與螻蟻誰信先生無此懷

上元侍飲樓上 同列

澹月疎星遠建章仙風吹下御爐香
侍臣鵠立通明殿一朵紅雲捧玉皇

縱筆

寂寂東坡一病翁白須蕭散滿霜風
小兒悞喜朱顏在一笑那知是酒紅

放歌行

陳師道

春風永巷閉娉婷長使青樓誤得名
不惜捲簾通一

詩宗

不己集

言
顧怕君着眼未分明

戚夫人

李觀

百子池頭一曲春君恩和淚落埃塵當時應恨秦皇
帝不殺南山皓首人

出郊雜咏

王炎

閉戶不知春色佳柳梢欲暗可藏鴟鴨頭新綠齊腰
水女頰輕紅刺眼花

遣興

唐庚

酒經自得非多學詩律傷嚴近寡思田里歌呼無籍
在朝廷議論有司存

吳門道中

孫觀

數間茅屋水邊邨楊柳依依綠映門渡口喚船人獨
立一蓑煙雨溼黃昏

汴京紀事

劉子翬

空嗟覆鼎誤前朝骨朽人間罵未消夜月池臺王傳
宅春風楊柳相公橋
萬炬銀花錦繡圍景龍門外軟紅飛淒涼但有雲頭
月曾照當時步輦歸

觀書有感

朱文公

半畝方塘一鑑開天光雲影共徘徊問渠那得清如

詩宗

不己集

許為有源頭活水來

宿梅溪胡氏客館觀壁間題詩自警

澹菴胡銓自海外歸飲湘潭胡氏園為侍妓
黎倩作詩云君恩許歸此一醉傷有黎頰生

微渦

十年湖海一身輕歸對黎渦却有情世路無如人欲
險幾人到此誤平生

田園雜興

范成大

梅子金黃杏子肥麥花雪白菜花稀日長籬落無人
過惟有蜻蜓蛺蝶飛

靜看檐蛛結網低無端妨礙小蟲飛蜻蜓倒挂蜂兒
窠催喚山童為解圍

炙背檐前日似烘暖醺醺後困蒙蒙過門走馬何官
職側帽籠鞭戰北風

花時徧遊諸家園

陸游

翩翩馬上帽簷斜盡日尋春不到家偏愛張園好風
景半天高柳臥溪花

讀許渾詩

衰相功名冠四朝許渾身世落漁樵若論風月江山
主丁卯橋應勝午橋

詩宗

卷之五

春晚邨居雜賦絕句

澆書滿把浮蛆甕攤飯橫眠夢蝶床莫笑山翁見機
晚也勝朝市一生忙

閒居初夏午睡起絕句

楊萬里

梅子留酸軟齒牙芭蕉分綠與窻紗日長睡起無情
思閒看兒童捉柳花

小池

泉眼無聲惜細流樹陰照水愛晴柔小荷纔露尖尖
角早有蜻蜓立上頭

題四聖觀道士詩卷

趙師秀

一觀桃花紅似錦兩堤楊柳綠於雲遊入只是遊晴
晝煙雨朝昏盡屬君

晚晴便有春意

鞏仲至

風正波平可進橈水光山影暮相交殘陽欲去猶回
首一抹斜紅曳竹梢

湘中口占

劉克莊

船頭吹火盧仝婢馬後肩書穎士奴安得世間名畫
手寫予出嶺泛湘圖

釣臺

戴復古

萬事無心一釣竿三公不換此江山平生誤識劉文

言
叔惹起虛名滿世間

田頭

方岳

田頭科斗古文字石上白窪山鼎彝勒破世間煩惱障醉而已矣不吟詩

湖州歌

汪元量

琵琶切切更嘈嘈高柳羣蟬逐不號一片夕陽無限好汶河西上酒樓高日中轉柁到河間萬里羈人強自寬此夜此歌如此酒安安月色好誰看

倦綉圖

元好問

元

香玉春來困不勝啼鶯喚夢幾時鷹可憐顛顛田家女促織聲中對曉燈

過長安市

方回

筭橋租菱小市譁堰頭橋尾約千家人家已盡無人處時見芙蓉一岸花

絕句

趙孟頫

春寒惻惻掩重門金鴨香殘火尚溫燕子不來花又落一庭風雨自黃昏

河湟書事

馬祖常

波斯老賈度流沙夜聽駝鈴識路賒採玉河邊青石

詩宗

大邑集

五三

子收來東國易桑麻

有感

黃潛

漢室需材拔隱淪
販繒屠狗各求伸
可憐風雪南山下
別有當年射虎人

西湖絕句

薩都刺

待得郎君半醉時
笑將紈扇索題詩
小紅簾捲春波綠
渡水楊花落硯池

范增墓

陳孚

七十衰翁兩鬢霜
西來一笑火咸陽
平生奇計無他事
只勸鴻門殺漢王

博浪沙

一擊車中膽氣豪
祖龍社稷已驚搖
如何十二金人外
猶有民間鐵未銷

湖州竹枝詞

張雨

臨湖門外是儂家
郎若閒時來喚茶
黃土築牆茅蓋屋
門前一樹紫荆花

東坡赤壁圖

鄭允端

老瞞雄視欲吞吳
百萬樓船一炬枯
畱得清風明月在
網魚謀酒付髯蘇

籬間小花

周震震

詩宗

本已集

小小閑花分外紅
野人籬落自春風
江南多少繁華地
盡在寒煙蔓草中

天平山中

楊基

細雨濛濛溼棟花
南風樹樹熟枇杷
閒行不記山溪淺
一路鶯聲送到家

范蠡祠

高啓

功名不戀上將軍
一舸飄然笠澤雲
載去西施豈無意
恐畱傾國更迷君

李陵泣別圖

袁凱

上林木落鴈南飛
萬里蕭條使節歸
猶有交情兩行

淚西風吹上漢臣衣

塞上曲

施敬

八月秋高塞草斑
將軍千騎獵前山
彎弓不射南飛鴈
恐有征人附信還

古詞

張楷

羅帕凝香濕未乾
朱櫻窗外雨生寒
燈花知是虛傳喜
落盡青煤誓不看

看燈詞

瞿佑

村裏兒童暫入城
隨羣齊上大街行
歸來徹夜渾忘睡
從此春田懶去耕

詩宗

卷之五

春思

王諒

山映簾櫳水映憲
浣紗人在芡蘿江
年年三月梨花雨
門掩東風燕子雙

號國夫人早朝圖

李東陽

掃罷蛾眉上馬遲
君王剛及退朝時
侍臣記得丁寧語
莫遣長生殿裏知

郵行

莊景

凌兢瘦馬踏春泥
雪後郊原綠未齊
一抹午烟風隔斷
野雞聲在竹林西

相如滌器

唐寅

琴心挑取卓王孫
賣酒臨邛石凍春
狗監猶能薦才子
當時宰相是何人

晚至昌平寺中

何景明

度盡青溪十里霜
寒蕪落日下蒼茫
山城薄酒無錢買
晚飯僧家石耳香

秋興呈邊庭實

敖英

池頭一雨送新涼
小坐葦亭月在牀
和得竹枝三百首
西風無鴈寄瀟湘

答元美問余近事

李攀龍

賦罷凌雲氣不降
長楊羽獵妙無雙
老來却解人間事

詩宗 不日集

事攤得玄經覆酒缸

限韻香字

陳繼儒

簷鳥初喧午夢長
荷花開盡白蘋香
鈎簾撥出爐頭
火摹得黃庭一兩行

詩宗已集卷十二



